

EHI - MECI

PII


ACERDOTIS.

BX2063

.C3

1858

c.1



1080046278

261

E H H C H 97

VENI-MECUM

PII SACERDOTIS.

206.2

VENI-MECUM

PII SACERDOTIS,

QUOD EX VARIIS DEVOTIS LIBRIS EXCERPTUM, EX SUI
EXILII LOCO, TAMQUAM AMORIS PÍGNUS, SUO CLE-
RO, OMNIBUSQUE HISPANIAE SACERDOTIBUS, AC
PIIS LAICIS

OFFERT

Illus. ac Rmns. D. D. IOSEPHUS CAIXAL et ESTRADÉ,

EPISCOPUS URGELLENsis.

ACCEDIT

MANUALE ORDINANDORUM,

IPSIS IMO ET SACERDOTIBUS OMNIBUS PERNECESSARIUM.

EDITIO II EMENDATA ET AUCTA.

110407

BARCINONE:

LIBRARIA RELIGIOSA,
EX TYPOGRAPHIA PAULI RIERA,
in vico Robador, num. 24 et 26.

ANNO MDCCCLVIII.

38292

Sacerdotes , qui accedunt ad Dominum , sanctificantur , ne percutiat eos . (*Exod. xix , 22*).

Prohet autem seipsum homo , et sic de pane illo edat et d calice bibat . Qui enim manducat et bibit indignè , iudicium sibi manducat et bibit : non diuidicantis corpus Domini . (*I Cor. xi , 28 et 29*).

Cave ne nimis tepidus , et inordinatus accedas , et inconsideratus ; quia indignè sumis , si non accedis reverenter , circumspeti et considerate . (*S. Bonavent. de Praepar. ad Mis. c. 5*).

Sacerdotes , peracta Missa , pro summi beneficii munere , Deo gratias agant . (*S. Carolus Borr. in Conc. Mediol. I , tit. de celebrat. Missae*).



FONDO BIBLIOTECA PÚBLICA
DEL ESTADO DE NUEVO LEÓN



PIO SACERDOTI.

Desiderabatur à nostris liber , in quo omnia quae ad plenam augustissimi Missae sacrificii cognitionem , ad illudque ritè ac salubriter celebrandum sacerdotibus necessaria sunt et utilia collecta reperirentur , quin eius moles ita excresceret , ut VENI-MECUM appellari nequeat . Id certè in votis habuimus , quando haec , quae tibi , carissime ac pie Sacerdos , in hoc volumine offerimus , colligebamus : si propositum obtinere potuimus , nostrum non est iudicare ; tuum verò erit frui hoc libello , mole quidem parvo , utilitate autem , nisi multùm fallimur , maximo .

Plurimam eius partem ex libro , cui titulus : *Manuale ordinandorum* , decérpsimus , expungentes omnia , quae gallicanæ liturgias redolebant , eaque orationibus ex Missali romano desumptis supplentes : ex aliis pluribus libris quae utiliora nobis visa sunt collegimus : paucissima ex nostro penu deprompsimus præter ordinem et methodum .

In sex partes universam eius materiam distri-

buendam censuimus. In prima exhibetur tibi tractatus de Sacrificio Missae, et de requisitis ad dignam eius celebrationem. Cùm enim Ecclesia catholica Sacrificio altaris augustius habeat nihil, et sacerdotes huic incumbentes *eam functionem gerant*, quā nulla maior et sanctior excogitari potest, inquit Concil. Mediolanense III; consequens est ut quā mundè, et rectè, et legitimè, ut loquitur sanctus Irenaeus, illam peragere current; ne inter homines et Deum positi ad ipsius iracundiam sedandam; si negligenter, immodestèque suo munere fungantur, Deum magis irritent, aiebat Clemens papa XI. Quae porro illum in finem scire debeas et praestare, tradet tibi ista prima pars, ex pio cardinali Bona, magna ex parte, excerpta, cui præfationis loco, exercitium quotidianum pii Sacerdotis præmisimus.

Secunda et quarta pars continent cùm ante Missam, tum post Missam, præparations varias gratiarumque actiones, itemque præparationis et gratiarum actionis pro singulis hebdomadæ diebus exercitia, quae quidem ad devotionem acuendam, et ad fructuosè expendendum tempus, quod sacrum præcedit et subsequitur, quodque adeò pretiosum sacra doctrix Teresia nostra pronuntiat, non mediocri possunt esse adiumento. His subiicientur pii affectus, litaniae devotissimæ, supplicationesque et elogia, variissacerdotum ingenio ac pietati accommodata, diversique generis orationes, quibus quarta pars coronatur.

Utrique tertia pars interponitur, in qua Ritus

et Ordo in celebratione Missae servandus offeratur, quae ex Missali fideliter depromuntur. Hoc pacto speramus futurum, ut Sacerdotes, hunc librum in manibus semper gestantes, sacros ritus ignorare nequeant, imò eos perfectè calleant et executioni mandent. Quod ut faciliùs obtineatur, opportunum visum est adnectere Summarium Caeremoniarum Missae privatae, necnon rubricas de Defectibus circa Missam occurrentibus; ut, iuxta Concilium Trident., ritus illi, quorum plures ex apostolica traditione descendunt, maximi habeantur momenti, quippe quorum ope maiestas tanti Sacrificii commendatur, et mentes fidelium per haec visibilia religionis et pietatis signa ad rerum altissimarum, quae in eo sacrificio latent, contemplationem excitantur. Ceterū omnibus sacerdotibus commendamus librum P. Bernardi Sala, de Missa privata et cantata, nuper Barcinone editum.

In quinta parte traduntur compendiosae *Meditationes de sanctissimo Eucharistiae Sacramento*, deque statu sacerdotali, quibus adiunguntur piissimae *Consideraciones ex libro Instrucion de Sacerdotes ferventissimi* P. Dom Antonii Molina, hispano sermone depromptae. Pro reliquis punctis, quae pium sacerdotem singulis diebus meditari oportet, te ad *Meditaciones espirituales venerabilis patris Ludovici de La Puente*, aliorumque auctorum, tum nostratum, tum exterorum, præsertim ad V. P. Ludovici Granatensis opera, quae penes te habiturum non dubitamus; quas,

si coram Deo devotè perpenderis, speramus fore ut cum Psalmista exclames: *Concaluit cor meum intra me: et in meditatione mea exardescet ignis.* (Psalm. xxxviii, 4). Methodum orationis mentalis vulgari sermone praemittimus, ut commodiùs satisfacere queas huic christianorum omnium, praesertim sacerdotum, muneri, firmissimè tenens sine oratione mentali sacerdotalem spiritum te numquam habiturum, aut, si illum habes, infallibiliter amissurum. Subiiciemus Regulam rectè sanctèque vivendi, ut in ea vivas perfectione, ad quam tenentur sacrorum ministri.

In sexta demum parte *Manuale ordinandorum* invenies, in quo seriem omnium sacrarum ordinationum, ex Pontificali romano excerptam, habebis. Hoc pacto ecclesiasticus vir facilè poterit se ad ordines suscipiendos ritè disponere, et, iis susceptis, ea in memoriam revocare, quae pro illis exercendis dat Pontifex monita adeo sancta, iusta, gravia, praeclara et apposita ad promovendum, nec non suscitandum ac fovendum clericalem spiritum, ut numquam satis ea legere et meditari possis. Pro recens ordinatorum Sacerdotum commoditate adiectae sunt missae, ab ipsis, Pontifici concelebrantibus, recitandae, et ita seorsim dispositae, ut facile et utiliter iis uti valeant.

His igitur et aliis, pie et amantissime Sacerdos, utere sollicitè ac diligenter; et illius, qui te haec ad manum habere curavit, *coram Deo, praesertim ad altare identidem memineris.* — Vale.

QUOTIDIANA EXERCITIA

PII SACERDOTIS.

EXERCITIUM MATUTINUM.

Per signum Crucis, de inimicis, etc. In nomine Patris, etc.

Benedicta sit sancta et individua Trinitas, nunc, et semper, et per infinita saecula saeculorum. Amen.

ACTUS ADORATIONIS.

Adoro te devotè, sanctissima Trinitas, et confiteor te Patrem, Filium et Spiritum Sanctum, tres personas distinctas in una divinitatis essentia, hic et ubique praesente. Confiteor te Creatorem meum, supremumque Dominum, cuius voluntati me, meaque omnia libenter committo.

ACTUS FIDEI¹.

Credo, Domine, quidquid in Symbolo Apostolorum continetur, et universim credo veritates omnes, quas catholica, apostolica et romana mater Ecclesia credendas

¹ Sanctissimus pontifex Benedictus XIV, considerans necessitatem producendi actus trium virtutum theologicarum, confirmavit indulgentias à Benedicto XIII, die 15 Ianuarii anni 1726, iis concessas, qui praedictos actus elicere curaverint, et copiosiores elargitus est suo decreto, die 28 Ianuarii anni 1736, ita ut, qui ore et corde recitant actus fidelis, spei et caritatis, pro qualibet vice lucentur septem annos et sep-

proponit; quia tu, Domine, qui veritas ipsa es, fallere et falli nescia, eas ipsi revelasti.

ACTUS SPEI.

Domine Deus meus, qui sola benignitatis ac misericordiae tuae abundantia, me indignum servum tuum ad aeternam beatitudinem per Iesum Christum Filium tuum vocare dignatus es, eam te mihi collaturum firmam fiduciā spero, atque media praestitum convenientia, quibus eam mereri queam; quia miserationum tuarum non est numerus, et quia tu es in promissis reddendis fidelis.

ACTUS CARITATIS.

O Domine Deus, quam serò novi et amavi te! Amo te super omnia ex toto corde, ex tota anima, et ex tota mente viribusque meis, quia tu es suprema bonitas, pulchritudo summa et infinita amabilis. Eo te prosequi vellem amore, quo te iusti in terra, et beati amant in coelo; quo te amat beatissima Virgo Maria; immo, si fieri posset, quo tu te ipsum amas, mi Deus et amor meus. Propter te amo proximum meum tamquam meipsum.

GRATIARUM ACTIO.

Quid retribuam tibi, Domine, pro omnibus, quae retribuisti mihi? In caritate perpetua dilexisti me; ad tuū imaginem et similitudinem me creasti; Angelos tuos mihi dedisti custodes; proprio Filio tuo non pepercisti, sed tem quadragesas indulgentiae, animabus Purgatorii applicabiles.

Qui uno mense, singulis diebus, id praesterint, si confessi, ac sacrā communione refecti, pro principum christianorum concordia, extirpatione haeresum, et sanctae matris Ecclesiae exaltatione plē devotè preces ad Deum fuderint, plenariam indulgentiam fidelium defunctorum animabus applicabilem lucrari poterunt; ac demum in mortis articulo indulgentiam plenariam.

Quaelibet formula apta est ad predictas lucrandas indulgentias, dummodo motiva propria trium virtutum theologiarum exprimantur.

illum morti pro me tradere dignatus es; in sinu Ecclesiae tuae me nasci, regenerari ac instrui fecisti; ab innumeris animae et corporis eruisti me periculis, et ad hanc usque diem incoludem servasti. Quid ergo retribuam tibi, Deus meus? Immensas tibi refero gratias pro his omnibus, totque aliis à nativitate mea mihi collatis beneficiis; precorque beatissimam Virginem, atque Angelos, Sanctos, universasque creaturas invito ut pro me tibi gratias agant perpetuas.

VITA PECCATUM.

O Deus sancte! conscientiae meae stimulis pungor quotidianie propter infidelitates, et innumera peccata mea; defectusque, quibus miser, eheu! succumbo. Confusus coram te, gemensque confiteor; sed propter te, et amorem tuum, propono emendare quod feci, et vigilare fidelius, ut me corrigam. Conferma, Domine, propositum meum, et perfice quod in me coepisti. Quod ad me attinet, iuravi et statui, tuā aspirante gratiā, viam mandatorum tuorum ardentī corde percurrere, sancti sacerdotis officium diligenter explere, consueta pietatis munia sancte obire, defectus vitare, tibique in omnibus placere.

OFFER COR TUUM, ET PETE GRATIAM UT PROMISSA
ADIMPLEAS.

Domine Deus meus, offero tibi cor meum cum omnibus eius affectibus, mentem, animam; corpus et sensus meos cum omnibus, quae acturus aut passurus sum hodie. Fac, Domine, ut ad maiorem tui nominis gloriam tam ego quam mea cuncta procedant, ac saluti animae meae proficiant. Heu, Domine! dies hæc forsitan ultima erit mihi: ne permittas, quæeso, eà me abutiri. Et quoniam sine tuae gratiae auxilio nihil possum, ideo suppliciter deprecor ut eam mihi largiri digneris. *Pater, Ave, Credo, ac deinde prosequitur dicens:*

Oratio.

Domine Deus omnipotens, qui ad principium huius diei nos pervenire fecisti, tuā nos hodie salva virtute, ut

in hac die ad nullum declinemus peccatum, sed semper ad tuam iustitiam faciendam nostra procedant eloqua, dirigantur cogitationes et opera. Per Christum Dominum nostrum. Amen.

Oremus pro sanctissimo Papa nostro N., Antistite nostro N., pro omnibus pastoribus et Ecclesiae ministris; pro omnibus qui nos gubernant; pro iis, qui se orationibus nostris commendaverunt, et universim pro omnibus pro quibus orandum nobis est.

Oratio.

Domine Deus virtutum, cuius est totum quod est optimum, da nobis fidei, spei et caritatis augmentum: et, ut mereamur assequi quod promittis, fac nos amare quod pincipis.

Dignissima Virgo Dei Genitrix, Maria, monstra te esse matrem: sumat per te preces, qui pro nobis natus tulit esse tuus.

Et vos, Angeli sancti, quibus nostra est tutela commissa, Sancti patroni nostri, vosque omnes electi et amici Dei, intercedite pro nobis ad Dominum, ut dies et actus nostros in sua pace disponat, nosque ab omni malo defendat, et ad vitam perducat aeternam: et fidelium animae per misericordiam Dei requiescant in pace. Amen.

Hic fit oratio mentalis, ut in principio Vpartis, et in fine dicetur:

Sub tuum praesidium configimus, sancta Dei Genitrix; nostras deprecations ne despicias in necessitatibus, sed a periculis cunctis libera nos semper Virgo gloria et benedicta.

¶. Dignare me laudare te, Virgo sacra.

R. Da mihi virtutem contra hostes tuos.

Oremus.

Concede nos famulos tuos, quaesumus Domine Deus,

perpetuâ mentis et corporis sanitatis gaudere: et glorio-sâ beatæ Mariae semper Virginis intercessione, à praesenti liberari tristitia et aeternâ perfici laetitia. Per Christum... R. Amen.

Angele Dei, qui custos es mei, me tibi commissum pietate supernâ hac die illumina, custodi, rege et gubernna. Amen.

Oratio ad Dominum Iesum Christum.

O bone Iesu, vivens in corde Mariae! Veni et vive in cordibus famulorum tuorum in spiritu sanctitatis tuae, in plenitudine virtutis tuae, in perfectione viarum tuarum, in veritate virtutum tuarum, in tuorum communione mysteriorum, et fac in nobis, de nobis et per nos quod tuae placitum fuerit voluntati. In spiritu tuo et ad gloriam Patris dominare omni potestati adversae. Amen.

Angelus Domini nuntiavit Mariae, et concepit de Spiritu Sancto. Ave, Maria. Gloria Patri, etc.

Ecce ancilla Domini, fiat mihi secundum verbum tuum. Ave, Maria. Gloria Patri, etc.

Et Verbum caro factum est, et habitavit in nobis. Ave, Maria. Gloria Patri, etc.

¶. Angelus Domini nuntiavit Mariae;

R. Et concepit de Spiritu Sancto.

Oremus.

Gratiam tuam, quae sumus Domine, mentibus nostris infunde, ut qui Angelo nuntiante Christi Filii tui incarnationem cognovimus, per passionem eius et crucem ad resurrectionis gloriam perducamur. Per eundem Christum Dominum nostrum. Amen¹.

¹ Sanctissimus pontifex Benedictus XIII, in suo Brevi anno 1724, centum indulgentiae dies concessit iis omnibus, qui mane, meridie ac vespere, flexis genibus, Angelus Domini ad campanam pulsus recitaverint, et aliam plenariam singulis mensibus lucrandam die à devotis electâ, si confessi, ac sacra communione refecti, pro principum christianorum pace

EXERCITIUM VESPERTINUM.

Per signum ✕ Crucis , etc. — Veni , Sancte Spiritus , etc.
y. Emitte Spiritum , etc., cum oratione de Spiritu Sancto.

ACTUS ADORATIONIS, FIDEI, SPEI ET CARITATIS.

Adoro te , Domine Deus , hic et ubique praesentem , et maximā quā possum humilitate et reverentiā immensam tuam reveror maiestatem . Credo , Domine , in te , et et concordia , etc. oraverint . Ad hanc conditionem adimplendam sufficit recitare semel quinque *Pater noster* et *Ave*.

Sanctissimus vero papa Benedictus XIV. easdem indulgentias confirmans , sub die 20 aprilis anni 1742, declaravit : 1.º Angelus recitandum esse ständ à primis vesperris sabbati usque ad vesperam dominicae sequentis ; 2.º tempore paschali illius loco et ständ recitandum : *Regina coeli* cum versu et oratione *Deus, qui per resurrectionem*, etc.; 3.º eos qui ignorant *Regina coeli* sufficere ut *Angelus* recitent; 4.º denum eos qui utrumque ignorant sufficere ut dicant semel *Pater et Ave*, eodem modo stantibus vel genuflexis. (Vid. Collet, in *Tractatus de Indulg.*, tom. I, cap. 8).

Denique sanctissimus pontifex Pius papa VII. in suo rescripto in perpetuum duraturo , die 10 septembri anni 1814, ter centum dierum indulgentiam iis omnibus elargitur, qui manè, meridiē et nocte tria *Gloria Patri*, etc., Sanctissimae Trinitati recitaverint in gratiarum actionem ob singularia privilegia beatissimae Virginis Mariae, praesertim in sua ad coelos Assumptione, concessa; centum scilicet indulgentiae dies pro qualibet vice. Et praeterea plenariam indulgentiam singulis quibusque mensibus , die ipsius mensis ad arbitrium electā, lucrādam, à confessis, sacrāque Communione refectis, si quotidie tribus vicibus prae dictam devotionem pergerint.

Supradictae omnes indulgentiae sunt applicabiles pro animabus in Purgatorio detentis; ut autem lucrari possint opus est ut Christi fideles ultrā supradicta sint in Pia unione Sacratissimi Cordis Iesu, Romae canonice erectā die 14 februarii anni 1801 in Sancta Maria in Capella, ad Sanctam Mariam pacis postea translata, aut nomen dederint aliqui ex Congregationibus Sacratissimi Cordis Iesu extra Romanam erectis, Piaeque unioni supradictae aggregatis.

omnia verba tua fideliter suscipio ; quia tu es veritas ipsa, qui falli aut fallere nequis. — Spero in te et in promissiones tuas superspero ; quia non minus fidelis es quam misericors. — Amo te ex totis meis praecordiis; quia summè amabilis es. Et propter te amo proximum meum tamquam meipsum.

GRATIARUM ACTIO.

Gratias tibi ago , Domine Deus , per Iesum Christum Dominum nostrum pro innumeris , quibus me cumulasti beneficiis, praesertim quòd incolumem huc usque me servasti; quòd proprium Filium tuum mihi dedisti Salvatorem, et eius divinum corpus in cibum , sanguinemque in potum tribuisti; quòd Spiritus tui eiusque gratiae participem fecisti, remittendo mihi toties peccata mea quibus inferni poenas merui, neque ab innumeris criminibus preservando, in quaे miserrime lapsus essem nisi tu tenuisses manum dexteram meam. Repleatur ergo os meum , Domine, semper laude tuā , et cor meum amoris tui flammā semper exaestuet.

Petamus à Deo lumen, quo peccata nostra cognoscere ac detestari veraciter valeamus.

Omnipotens sempiterne Deus , qui omnipotentiam tuam parcendo maximè et miserando manifestas, qui que non vis mortem peccatoris, sed magis ut convertatur et vivat; da mihi, queso, gratiae tuae lumen, quo peccatorum meorum multitudinem et malitiam cognoscam , ac dolorem ut ea verè detester.

Discutiamus nunc conscientiam nostram ut deprehendere possimus peccata sive cogitatione, verbo aut opere vel omissione hodie commissa.

ACTUS CONTRITIONIS POST EXAMEN.

Domine mi Iesu , in quem credo , in quem spero, quem amo et super omnia diligo, poenitet me peccasse, quia tu infinitè bonus es et amabilis, et quia tibi displaceat peccatum. Idecō tuā gratiā protectus , meritisque

EXERCITIUM

tuae passionis ac mortis innixus, confiteri propono, digna poenitentiae opera facere , ac de caetero amplius non peccare.

Confiteor Deo , etc. — Misereatur , etc. — Indulgentiam , etc.

℣. Dignare, Domine, nocte ista.

℟. Sine peccato nos custodire.

℣. Miserere nostri, Domine. ℟. Miserere nostri.

℣. Fiat misericordia tua, Domine, super nos.

℟. Quemadmodum speravimus in te.

℣. Domine, exaudi orationem meam.

℟. Et clamor meus ad te veniat.

℣. Dominus vobiscum. ℟. Et cum spiritu tuo.

Oremus.

Respic, quaesumus, Domine, super hanc familiam tuam, pro qua Dominus noster Iesus Christus non dubitavit manibus tradi nocentium, et crucis subire tormentum. Qui vivist...

Hic recitantur litaniae beatae Mariae Virginis.

Kyrie, eleison, etc., ut in fine Gratiar. action.

℣. Ora pro nobis, sancta Dei Genitrix;

℟. Ut digni efficiamur, etc.

Oremus.

Defende, quaesumus Domine, beata Maria semper Virgine intercedente, istam ab omni adversitate familiam, et toto corde tibi prostratam ab hostium propitiis tuere clementer insidiis.

Sanctissimae Genitricis tuae Sponsi, quaesumus Domine, meritis adiuvemur: ut quod possilitas nostra non obtinet, eius nobis intercessione donetur.

Additur oratio Sanctorum patronorum dioeceseos, paroeciae ac communitatis, et postea dicetur:

Exaudi, quaesumus Domine, preces nostras pro universa Ecclesia tua, pro Pontifice nostro N., pro Antistite nostro N., pro hac dioecesi N., et hac paroecia; pro

VESPERTINUM.

Rege nostro N. cum prole Regia et populo ac exercitu suo; pro hac domo, pro parentibus, benefactoribus, amicis et inimicis nostris; et praesta nobis, quod Filius tuus Dominus noster Iesus Christus nos petere preecepit. *Pater noster, etc., Ave Maria, Credo.*

Cum occasio tulerit addentur sequentes orationes:

IN VIGILIA ORDINATIONIS FACIENDAE.

Oratio.

Protector Ecclesiae tuae, Deus, te supplices exoramus, ut super famulos tuos, quos ad gradus sanctuarii tui vocare dignaris, benedictionis tuae gratiam infandas; ut in conspectu tuo ministerium fideliter adimplentes, praedestinata Sanctis tuis praemia, te adiuvante, feliciter consequantur. Per Christum...

PRO INFIRMO.

Omnipotens sempiterne Deus, salus aeterna credentium, exaudi nos pro famulo tuo infirmo, pro quo misericordiae tuae imploramus auxilium; ut redditâ sibi sanitatem, gratiarum tibi in Ecclesia tua referat actiones. Per Christum...

Si in extremis fuerit:

Omnipotens et misericors Deus, qui humano generi et salutis remedia, et vitae aeternae munera contulisti: respice propitiis famulum tuum infirmitate corporis laborantem, et animam refove quam creasti; ut, in hora exitus illius, absque peccati macula, tibi Creatori suo per manus sanctorum Angelorum repraesentari mereatur. Per Christum...

PRO QUACUMQUE NECESSITATE.

Deus, refugium nostrum et virtus, adesto piis Ecclesiae tuae precibus auctor ipse pietatis, et praesta: ut, quod fideliter petimus, efficaciter consequamur. Per, etc.

Pro animabus fidelium defunctorum, potissimum parentum ac benefactorum nostrorum. (Hic fient particulares recommendationes).

EXERCITIUM

PSALMUS CXXIX.

De profundis, etc., *infrā*, pag. 76.
 V. Requiem aeternam dona eis, Domine;
 R. Et lux perpetua luceat eis.
 V. A porta inferi. R. Erue, Domine, animas eorum.
 V. Requiescant in pace. R. Amen.
 V. Domine, exaudi orationem meam.
 R. Et clamor meus ad te veniat.
 V. Dominus vobiscum. R. Et cum spiritu tuo.

PRO UNO SACERDOTE DEFUNCTO.

Oremus.

Deus, qui inter apostolicos sacerdotes famulum tuum N. sacerdotali fecisti dignitate vigere; praesta, quae sumus, ut eorum quoque perpetuo aggregetur consor tio. Per...

PRO UNO LAICO.

Inclina, Domine, aurem tuam ad preces nostras, quibus misericordiam tuam supplices deprecamur: ut animam famuli tui N., quam de hoc saeculo migrare iussisti, in pacis ac lucis regione constituas et Sanctorum tuorum iubeas esse consortem. Per...

PRO UNA DEFUNCTA.

Quaesumus, Domine, pro tua pietate miserere anime famulae tuae N.: et à contagiosis mortalitatis exutam in aeternae salvationis partem restitue. Per...

PRO OMNIBUS DEFUNCTIS.

Fidelium Deus omnium Conditor et Redemptor, animabus famularum famularumque tuarum remissionem cunctorum tribue peccatorum: ut indulgentiam quam semper optaverunt, piis supplicationibus consequantur. Qui vivis...

Commendemus nos Deo, beatae Mariae Virgini et omnibus Sanctis...

Visita, quae sumus Domine, habitationem istam, et

VESPERTINUM.

omnes insidias inimici ab ea longè repelle; Angeli tui sancti habitent in ea, qui nos in pace custodiant, et benedictio tua sit super nos semper.

Sancta Maria, mater misericordiae, et vos, sancte Angele custos, Sancti patroni mei, omnesque Sancti ac Sanctae Dei, sub vestram confugio protectionem: intercedere dignemini pro me ad Dominum, ut supra me benedictionem suam effundat, utque tranquillam mihi concedat quietem et gratiam sanctae ac felicis noctis.

Offeramus requiem nostram.

Domine, in unione requiei illius, quam Salvator noster Iesus Christus in terris sumere dignatus est, et in unione mortis ac sepulturae ipsius, hanc tibi offero requiem quam, ut tuae me ordinationi submittam, sumere propono, quatenus eius ope diligentius mande pro tui nominis gloria laborare valeam. Precor ut evigilem in unione vigiliarum et resurrectionis eiusdem Domini mei Iesu Christi; utque in his aliisque omnibus mortalis vita necessitatibus eam animi dispositionem mihi conferre digneris, quae simillima sit eis, quae pro nobis sentire dignatum est divinissimum Cor Iesu, quod supplex adoro.

Vespertina oratio ascendat ad te Domine; et descendat super nos misericordia tua. Amen.

PACTUM CUM DEO SINGULIS HEBDOMADIBUS ITERANDUM.

Efficaciam huius pacti, quae certè maxima est, à contrario intelligere licet. Si quis enim secum statueret, quod quoties pedem moveret, toties gratum et ratum haberet quidquid umquam malum actum est, optaretque se eius esse participem, quantae is se culpa obstringeret? Si igitur id in malo tam efficax est, quidni et in bono immensa virtutis erit ac meriti?

Domine Deus, testis desiderii mei et gemitus mei! quoniam vitæ praesentis necessitates impediunt mentem tuis laudibus iugiter intendere, hinc tale pactum tecum ineo, quod totâ hac hebdomadâ firmum permaneat:

Quoties hac hebdomadâ coelum inspexero , toties gratulabor et congaudebo tibi ob infinitas perfectiones tuas, quòd sis, qui es, Deus summè potens, sapiens, iustus, benignus, misericors et sanctus.

Quoties oculum clausero vel aperuero, toties grata et rata habebo omnia opera et actiones, quas Unigenitus Filius tuus, et omnes sancti ac iusti ad laudem tuam umquam fecerunt ac deinceps facient; meque horum participem fieri desidero.

Quoties halitum traxero, toties offero tibi vitam, passionem et sanguinem Domini nostri Iesu Christi, omniumque Sanctorum merita et passiones, in laudem aeternam et salutem universitatis, omniumque totius mundi peccatorum satisfactionem.

Quoties spiravero, toties detestor et abominor omnina et singula peccata, tam mea, quam omnium hominum, ab initio mundi contra honorem nominis tui perpetrata, quae utinam meo sanguine aliquatenus compensari possent.

Denum, quoties manum vel pedem movebo, toties ex amore tui proiecio et resigno me totum in sanctissimam voluntatem tuam, optans ut de me in tempore et in aeteritate disponas iuxta tuum beneplacitum.-Et haec quinque pacta, ne umquam irritari valeant, sacratissimis quinque vulnerum tuorum sigillis obsigno, eaque rata et valida esse volo, licet tunc, cùm unum de eisdem edidero, de eo minimè cogitaram. Amen.

Renovatio huius pacti, vel signorum repetitio fieri post his verbis:

Vivat Jesus in aeternum, et super omnia! ipsi soli honor et gloria in saecula saeculorum! Amen.

Vel: Oh Jesu, fiat voluntas tua sicut in coelo, et in terra!

Vel: Oh Deus meus, et omnia! Oh amor meus, et omnia!

PARS PRIMA.

TRACTATUS DE SACRIFICIO MISSAE,

ET DE

REQUISITIS AD DIGNAM EIUS CELEBRATIONEM.

CAPUT I.

DE SACRIFICIO MISSAE.

§ I. Quale sacrificium sit missa.

Quamvis in lege veteri plura fuerint sacrificia, in nova tamen unicum est, quod omnium legalium hostiarum differentiam tantò perfectius complectitur, quantò excellenter Deoque acceptabilior est victimæ quæ in eo immolatur. Est igitur missa sacrificium *latreuticum*, sive honorarium, oblatum Deo ad summum et supremum cultum atque honorem ipsi exhibendum, tanquam primo principio et ultimo fini nostro, in protestationem infinitæ eius excellentiae, dominii et maiestatis, nostraræque ab eo dependentiae, servitutis et subiectiōnis. Esteūcharisticum, in gratiarum actionem pro omnibus beneficiis naturæ, gratiae et gloriae collatis et conferendis ab ipso Deo, ut summo benefactore. Est propitiatorium et satisfactorium pro peccatis et poenis debitis; applicat